

Sei ala bat?

50 laborarik Haranetxeberria etxaldea laborari bakar baten esku gelditzeko arriskuaz ohartarazi dute

LABORARIEK bizitza aitzinarazteko geroz eta lehiakorragoak izan behar dutela gauza jakina da egun. Europako Batasunean martxo bukaeran finkatu orientabide berriek ere laborarien merkaturak mundu zabalera irekitzeko xedea azaldu zuten, ondorioz prezioen lehiakortasuna geroz eta handiago izateko. Prezio apala dioenak produktibitatea dio. Gisa horretan, geroz eta etxalde handiagoak, geroz eta ekoizpen handiagoa, eta geroz eta eskulan gutiago erabili ohi da laborantza munduan. Ipar Euskal Herrian politika horrek eragin zuzena du tokiko laborantzan. Geroz eta laborari gutiago, geroz eta etxalde gutiago, eta handiagoak.

Horri loturik, gaur egun laborarien adinaren arazoa sortzen da. Adinekoek etxaldearen ustiaketa uzten dutenean, bi etxaldetarik batek ez du segidarik izaten. Segida izatekotan, gainera, ekoizpena eta lurraldeak handitu nahi dituzten laborari edo enpresen esku erortzeko arriskua dago; hots, laborari berri batek bizitza bertan egin ordez, jadanik laborari handia den baten esku gelditzea etxaldea.

Harenetxeberriatarren etxaldea

Halako adibideak Ipar Euskal Herrian dozenaka gertatzen dira, eta, justuki, politika horren salatzeke ekimena egin zuten atzo Lekornen 50 lanbarririk. Haranetxeberria etxaldeko nagusia joan den urtean zendu zen, eta etxaldearen nagusigoa 10 ondorengoaren esku gelditu da. Haiek salgai ezarri eta labo-



Pixkana laborantzarako lurrik hoberenak kanpokoan esku gelditzen ari direla salatu dute laborariek.

■ ■ ■ Auzoko laborari tipiek
Administraziora jo dute, salgai dagoen
etxaldearen gehiegizko prezioa salatzeke
eta horrek gerora eskualdeko
nekazaritzarentzat ekar ditzakeen
ondorioez ohartarazteko

rari handi batek egin die eskaintzarik hoberena. Auzoko etxaldeetako sei laborari tipik, berriz, eskaintza xumegoa egin dute, lurralde horiek zatikatuz, bakoitzak duen etxaldea handitzeko parada ukan bailezake. Baina egungo nagusiek diru eskaintza hobea dute gogokoan. Laborari tipien galdeari eta kezkei kasurik ez diete

egiten, eta eskaintza ekonomikoaren kopuruei erreparatzen diete batik bat.

Auzoko laborari tipiek administraziora jo dute. Batetik, gehiegizko prezioa salatu dute, etxaldea prezio altuan saltzeak ondoko urteetako herritarrendako adibide txarra eman dezakeelakoan.

Gisa horretan, lurrik hobe-

renak beti konpoko jendeen esku edo tokiko laborari handien esku geldituko direla ohartarazi dute. Bigarrenik, berriz, nagusi berriak zerriak ekoizteko asmoa duela eta, Lekorne eta Lekuineko haran ederrean kutsadura kalte konponezinak sortzeko arriskua dagoela salatu dute, Pantxoa Diratxetrek errandakoaren arabera.

Laborantza Zuzendaritzari ikerketa bat abia dezan galdengin diote, bi eskaintzak azter ditzan. Baina, finean, egungo nagusiek izanen dute azken hitza Harenetxeberriatarren etxaldearen geroaz.

Hur Gorostiaga
LEKORNE

Burtsa


• J.B. ANDUEZA •

Aire freskoa

Aire freskoa sartu zen atzo Bilboko burtsan, arratsalde partean batez ere. Eta ez euriagatik bakarrik, azken egunotako beherapenek neurritz gain kaltetutakoetan inbertitzeko aukera izan baitzen. Horrela, Telefonica eta argindar enpresen inguruan negoziazio handia izan zen (Endesa eta Iberdrolaren 10 milioi akzio eskuz aldatu ziren).

Finantza arloan ezagutzen diren hiruhileko emaitzak %5etik azpiko mozkin igoerak dira (Guipuzcoano, Popular, Herrero, La Caixa eta Caja Madrid); beraz, ez zen sektorerik indartsuena izan. Iberdrolak eta Mapfrek %3tik gora irabazi zuten, Repsol eta Telefonicak %2tik gora eta Endesa, FCC eta Gas Naturalak %1,5 inguru.

Bilboko indizea



Dibisen merkatua

	1 Euro
Peñeta	166,386
Libera	25,365
Dolarra (kua)	1,0586
Libra Esterlina	0,6503
100 Yen (japarra)	1,2526

Beste indizeak

	Value	Change
New York (Dow Jones)	10.484,90	(+0,34)
Tokio (Nikkei)	16.405,02	(+1,21)
Madrid (IBEX-35)	9.771,11	(+1,13)
Paris (CAC-40)	4.201,54	(+0,99)
Londres (FTSE 100)	6.311,10	(+0,17)
Frankfurt (DAX-XETRA)	5.175,57	(+1,45)
Milano (Milan)	24.847,31	(+0,31)

Jaurilaritzak turismoari egotzi dio inflazioaren gorakada

■ *Besteak beste, 'Guggenheim' efektuaren eraginez gertatu dela dio Zenarruzabeitiak*

Efe / Gasteiz

INFLAZIOA Euskal Autonomia Erkidegoan (EAE) Estatuan baino gorago igo izanaren arrazoia turismoaren garapena izan dela adierazi du Idoia Zenarruzabeitia lehendakariordeak; hain zuzen ere, jatetxe, kafetegi eta hotelen prezio igoera.

Zenarruzabeitiak Gasteizko Legebiltzarrerara jo zuen atzo, PSE-EE alderdiak eskatuta, EAEko inflazioa Espainiakoa baino handiagoa zergatik den azaltzeko. Azken datuen arabera, EAEko inflazio tasa %3koa da, eta Espainiakoa %2,2koa.

Lehendakariordeak bi arrazoi bereizi azaldu ditu hori argitzeko: batetik, kontsumo pribatuaren hazkundea, eta bestetik turismoaren garapena, inflazioan eragin nabarmenagoa izan duena.

Hala, inflazioa zehazteko erabiltzen den sailkapeneko *besteen* (turismoa eta ostalaritza) taldearen prezio igoera %6,7ra iritsi da EAEn, eta %3,9ra besterik ez Espainian.

Turismoaren hazkunde hori Bizkaian eta Gipuzkoan anteman du Jaurilaritzak, besteak beste *Guggenheim efektuaren* ondorioz. Turista gehiago etorri direnez gero, hotel, jatetxe eta kafetegien prezioak garestitu egin dira. Gorkada hori koiunturala izango da eta, *boom* turistikoa amaitzean, prezioak «egonkortu» egingo dira.

■ **GARCIA** Baquero Mantxako esne ekoizleak kapitalaren %45 saltzeko Eskaintza Publikoan (SEP) egingo du. Pulevarren bideari heldu dio, beraz.

■ **CARREFOUR** banaketa enpresan (eta haren menpeko Prycan) jarri ditu begiak Wal-Mart erraldoi ipar amerikarrak.

■ **AIRTEL** burtsatik urrunago dago, Endesa eta Fenosak euren partaidetza saldu eta gero.